



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

4. Vt non sine prodigo Israelitas, per mare ad terram promissionis, ita neque diuites ad cælum peruenire.

**urn:nbn:de:hbz:466:1-45699**

Item appello. Avaris autem hunc avaritia portum obstruit. Tantam & tam difficultem curam, in hac nocte habent, ut puta quos nihil perturbat, sed in summo otio seipso affligunt. Huc usq; D. Chrysostomus vitam avariorū describens similem ijs, qui ad metalla damnati sunt; immō ijs, qui meritò dicere possunt: *Repleta est malis anima mea: Psal. 87. 4.* & vita mea inferno appropinquauit. Quin & Seneca ait: *Ipsos opifices* Senec. ep. 94. intuere, per quorum manus sterile terra genus & informe perpurgatur: Videbis, quanta fuligine oblinantur. Atqui ista magis inquinant animos, quam corpora, & in possessore eorum, quam in artifice, plus est formidum. Ita de ijs, qui metalla fodiunt, & multò magis de ijs, qui metalla diligunt, Seneca.

Quemadmodum igitur fossores auri, nocte, dieque in tenebris laborant, & miseram vitam degunt, sordidi atque inquinati, Plutoni æquè, ac Pluto vicini, ita diutes avari non procul absunt à tenebris exterioribus, ad quas citò ab his mentis tenebris transiunt, cæcitate eos in summa pericula & scelera inducente. Talem se ad metalla damnatum fuisse ostendit Reginherus, Misniæ in Germania Episcopus, cuius horrenda mors exitit. Hic pecunia maiores curam gesserat, quam Ecclesiæ; atq; in eodem cubiculo thesauros suos infoderat, in quo somnū solitus erat capere. Aliquamdè igitur, cum absoluto prandio à mensa surgeret, in cubile illud concessit, quasi cibo meridianem additurus. Sed non sinebat eum pecunia quiescere: immò æs corrasum ferreum illi somnū conciliauit. Solito diutiùs famulis intus morari videbatur. Expectabant tamen usque ad multam vesperam. Et ferè iam tempus cœnæ erat, cum somni prolixitatē mirati familiares, ianuam dígo primū, tum etiam pugno percusserunt. Et quia arctè oppressulæ fores aditum non dabant, neque ullum ille audientis signum redderet, malleis seras effregerunt. Ibi tremendum se exhibuit spectaculum. Namque episcopus, fractis miserandum in modum ceruicibus, exanimatus, atro colore, aspectuq; terribili thefauris suis incubans repertus est.

Fateor, non omnes diutes tali morte puniri; sed mortem alteram, inter opes, euadere, æquè difficile est, immò difficilius, quam camelum per foramen acus transire; aut in aquis non vuidum, in flammis non atrum fieri. Cuius rei clara imago fuerunt

M 3 Israëlitæ,

## III.

Matth. 8. 12.

Lambertus  
Schafnabur.  
& Baron. to.  
11. An. 1066.

## IV.

Israëlitæ, ad terram promissionis, per mare rubrum, tendentes? Ingens enim tunc prodigium accidit. Diuisi sunt fluctus; & diuisi à vento prodigiosè. Steterunt enim utrumque fluidæ vnde, muri, immò montis instar erectæ, & siccum, in medio aquarum, se se detexit vadum, per quod tot populorum turbæ transierunt. Cur diuina sapientia voluit populum suum electum, hoc pacto, ad optatas illas fides traducere? Cupidum nauibus non imposuit, & transuexit, sicut quondam familiam Noë in arca? Aut si tot easteruis nulla classes sufficerent, cur non effecit, vt omnes, sicut

Matth. 14. 25.  
& 29.

postea Christus & Petrus, vndis solidatis, super aquas graderentur? Nimirum, quia tunc Israëlitæ ambulabant onusti diuitijs Ægyptiorum, quæ illos premebant, & ex natura sua firmum exigebant pauimentum. Nec tamen hoc ipsum siebat sine grandi miraculo, vt aquæ cederent, & se se in altum erigerent, instar ardui ac generosi caballi. Et vulgo inter mira computatur, si quis in profundo maris possit solum inuenire. Terra sancta patriæ cælestis fuit figura; ad quam diuites auro & argento onerati, non possunt venire communimodo ac velut nauigando; nec more Christi, aut Petri imitatione, quia hi sine mundi opibus incedebant, Christus enim non habebat, ubi caput suum reclinaret; Petrus autem dicebat: *Ecce nos reliquimus omnia, & secuti sumus te.* Vnde & Christus, & Petrus ab oneribus mundi expediti, ac nulla re grauati, facile super aquas ambulauerunt. At qui se se oneribus Ægypti grauant, opibusque pressi ad terram æternæ promissionis volunt pertingere, possunt quidem, vt D. Augustinus copiosè ostendit, at tamen egent non vulgari, sed peculiari diuinæ gratiæ auxilio, & misericordia singulari; vt se se illis tot maria periculorum aperi-ant, per quæ transeant tuti, neque in scopulos impingant, aut fluctibus sæcularium curarum hauriantur. O quot in hoc diuitiarum mare non cum Israëlitis, sed cum Ægyptiis ingrediuntur, & merguntur! Grauant eos annuli in digitis, vñiones in auribus, torques in collo, aurum in vestibus, argentum in crumena. Grauant eos agri & fundi, grauant palatia & regna. Cum tot oneribus, ad terram benedictam viuentium, sine grandi miraculo non peruenitur. Ipsi torques sunt compedes, ipsa monilia sunt vincula; atq; in his mundi vehementibus aquis, aurum sit plumbum; & quod laqueus est, putatur ornamentum.

Matth. 8. 20.

Luc. 9. 18.

Matth. 19. 27.

S Augustin.  
ep. 89. ad Hi-  
larium.

Et